

Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In quâ tractatur de Augustissimo Eucharistiæ Sacramento, ac Sacrificio
Missæ, ...

Bosco, Jean a

Lovanii, 1667

Concl. V. Clericis Diacono inferioribus, & à fortiori laicis, non potest
ordinariè committi dispensatio hujus Sacramenti. Evidem in articulo
mortis, deficiente Sacerdote, & Diacono, posse etiam ...

[urn:nbn:de:hbz:466:1-73377](#)

dato Sacerdotis, ex præsumpta facultate Superioris.

27.
In articulo
mortis Pa-
rocho ab-
sente vel in
vito mini-
strat Dia-
conus hoc Sa-
cramentum.

Ræsumptam voluntatem aliquando suffi-
cere ut simplex Sacerdos ministret Eucha-
ristianum, diximus, & probavimus Conclusio-
ne primâ. Quæ autem Sacerdotis simplicis,
similis est ratio Diaconi in defectum Sacer-
dotis.

Et quidem communis est opinio, quidquid
in oppositum sentiat Navarrus, cum paucis
aliis, deficiente Parocho, & necessitate ur-
gente, in periculo mortis quemcumque Sa-
cerdotem, etiam simplicem, si alius non adest,
posse ministrare Eucharistiam sine expressa li-
centia Parochi absentis, vel iusti renum.

Probatur à simili.

28.
Congruen-
tia, summa
utilitas &
aliqualis
necessitas.

Probat à simili; quia Ecclesia in illo ar-
ticulo concessit omnibus potestatem absolvendi
quibuscumque peccatis, & censuris, etiam
(probabilitate) in praesentia Ordinarii, ut suo
loco expendemus: ergo rationabiliter præsum-
mitur pro eodem articulo concedere potesta-
tem administrandi Eucharistiam, saltem in ab-
sentiâ Sacerdotis Parochi; vel quando licet
sit praesens corpore, bona tamen voluntate
longissime distat, nolens irrationaliter per
seipsum Eucharistiam ministrare moribundo,
aut alteri dare licentiam administrandi: tunc
enim censetur moraliter absens.

Et quamvis hoc Sacramentum non sit om-
nino necessarium ad salutem, prout est Pe-
nitentia, aut Baptismus; equidem est maximè
utile, & aliquo modo necessarium ad vires spi-
rituales in illo periculo agone acquirendas,
quæ utilitate hanc verosimile est, Ecclesiam
piani matrem voluisse filios suos privare.

Unde ad majorem claritatem, quando Pon-
tifices excipiunt Viaticum in privilegiis, so-
lent declarare, exceptionem illam non intelligi
eo casu, quando propter absentiam Parochi,
vel similem causam efficit necessitas; prout Pau-
lus I I I. declaravit in Bulla, quæ Religiosis
Societatis Iesu concessit facultatem dispensandi
Eucharistiam quibuscumque fidelibus. Nam
postquam Pontifex limitasset hanc facultatem
dicens: Præterquam in festo Paschæ Resurrectionis
Dominica & moris articulo, continuò subdidit;
Nisi necessitas urget. Sentit ergo urgente ex-
tremâ necessitate posse dispensare Eucharistiam,
qui alias non posset sine licentia Parochi.

Quod ante Paulum I I I. senserat Sixtus IV.
qui ut lego in Compendio privilegiorum
Verbo Communicare §. 6. concessit Fratribus
Minoribus, ut possint ministrare Sacra-
menta Eucharistia, & Extrema Unctionis, illis,
quorum Confessionem audierint, quando
Rectores, seu Curati eorum malitiosè, aut
sine rationabili causa denegaverint, seu dislu-
lerint illa ministrare.

Profecto non ambigo, quin sicuti famulus

rationabiliter præsumit voluntatem domini
ad apponendum cibum, & potum illis, quos
dominus tenet alere, quando sunt in necessi-
tate, sic itidem simplex Sacerdos vel Diaconus
rationabiliter præsumat voluntatem Ponti-
ficis administrandi in necessitate extrema Eu-
charistiam filii Sanctæ Matris Ecclesie, quos
ipsa hoc convivio & cibo spirituali tenet
alere.

Nonne, ut vidimus Conclusione secunda,
Concilium Nicenum can. 14. exp̄s̄ con-
cedit Diacono facultatem seipsum communi-
candi in absentia Sacerdotis, nullâ factâ men-
tione alterius necessitatis? Quantò magis præ-
sumendum est, id posse facere in extrema ne-
cessitate? Et si sibi ipsi potest dare proper sum-
marum utilitatem, quam indē exp̄petat, & quā
aliàs deberet carere, quidni prudenter præ-
mat consensum Ecclesiae circa proximum, qui
est alter ego, & eadem utilitate privaretur?

Si inferas; ergo idem poterunt facere Sub-
diaconus, aliisque Clerici inferiores, imo &
laici. Respondeo:

CONCLUSIO V.

Clericis Diacono inferioribus, &
à fortiori laicis, non potest or-
dinariè committi dispensatio
hujus Sacramenti. Evidem in
articulo mortis, deficiente Sa-
cerdote, & Diacono, posse
etiam laicum, secluso scandalo,
porrigere Viaticum ex licentia
Sacerdotis expressa vel præ-
sumpta, multis non videatur
improbabile.

Prima pars est certa ex communi usu Ec-
clesie ac sensu, eamque colligunt Docto-
res ex Concilio Rhenensi cap. 2. ut refutat
à Gratiano de Consec. dist. 2. cap. 29. ubi sic
dicitur: Pervenit ad notitiam nostram, quod quin-
dam Presbyteri in tantum parviperdant divisa
mysteria, ut laico vel feminæ sacram Corpus Do-
mini tradant ad deferendum infirmis: & quibus pro-
hibetur ne sacramentum ingrediantur, nec ad altare
appropiant, illis sancta sanctorum committuntur.
Quod quam sit horribile, quamq; detestabile, omnium
religiosorum animadvertisse prudentia. Igitur inter-
dicti per omnia Synodus, ne talis temeraria præsum-
ptio ulterius fiat: sed omnino Presbyter per se-
metipsum infirmum communicet. Quod si alter fe-
cerit, gradus sui periculo subiacet. Hactenus
Concilium, quod licet non sit generale, ut
nec Carthaginense suprà Conclusione tertia

allego.

allegatum) equidem sunt usū recepta, quæ hāc
in parte ordinantur.

Ex quibus alicui videri posset, etiam in
extrema necessitate laico minime licere sibi
ipso, aut alteri Communionem distribuere,
contra secundam partem Conclusionis; pro
cuus explicatione

Notandum, quod laico jure divino non
prohibetur administratio hujus Sacramenti,
nequidem extra necessitatem. Quod enim il-
lud esset? An forte reverentia debita Eucha-
ristiæ, qua prohibetur rem sacram tangi sacer-
taribus manibus? Liquet perfectio laicos in
antiqua Ecclesia sibi sumptissime Eucharistiæ.
Omnes viri (inquit D. Augustinus Serm. 252.
de tempore) quando communicare desiderant,
levavit manus suas, & omnes mulieres nuda exhibi-
bant linteum ubi Corpus Christi accipiant.

Accedit, quod de facto id permittatur Dia-
conis, ut expendimus Conclusione tertiarie,
quorum tamen manus specialiter ad hoc non
sunt consecratae. Itaque seculo speciali præ-
cepto Ecclesiæ, qua hodie propter maiorem
reverentiam sub mortali prohibet immediata-
tum contactum hostiæ sacræ Clericis inferiori-
bus & laicis, per se non esset contra digni-
tatem Sacramenti, si cum debita alijs rever-
entia à laicis tractaretur.

Omitto sèpè contingere posse, quod illa
tractatio cedat in maiorem reverentiam; v. g.
si Sacramentum alioquin deberet venire in
manus Hereticorum: in quo casu omnes ad-
mittunt illam tractationem esse licitam; imò
debitam ad evitandam maiorem irreverentiam
non obstante quacumque lege Ecclesiasticâ.

Et verò cogitare debeo, Ecclesiam velle
illam tractationem prohibere in ultimo arti-
culo virtutæ, quando maximè utile, & quo-
dammodo necessarium est hoc Sacramentum;
imò absoluè necessarium secundum plurimos
Doctores ex præcepto divino? Non debeo.

Etenim quod prohibitio Concilii Rhe-
menis nequam concordat articulum mor-
tis, colligo ex his verbis: Quod quidam Presby-
teri in tantum parvi-pendant divina mysteria &c.
Parvi-pendant, inquam, non ergo ex necessi-
tate; sed potius ex contemptu quadam passim
laico, aut fæminæ sacrum Corpus tradebant
ad deferendum infirmis: illudque vocat Con-
cilium horribile, ac detestabile, strixissime in-
terdicens, ne talis temeraria præsumptio ulte-
rius fiat.

Quis autem recte dixerit, temerariam præ-
sumptionem, si laicus scipsum, vel alium
communicet in extrema necessitate? Non-
ne teste Eusebio lib. 6. Historiarum cap. 36.
Presbyter quidam infirmus misit particulam
consecratam ad Serapionem senem moribun-
dum per puerum è cuius manibus juxta Pres-
byteri mandatum illam sumpsit? Nonne Gre-
gorius Homiliâ 40. in Euangelia refert S. Ro-

mulam in extremis à Redempta magistra suā ut probaret
Communionem accepisse? Nonne superiori
sæculo laudatissima Maria Regina Scotiæ in-
stante martyrio seipsum communicavit?

Et olin, ut dictum fuit ex D. Augustino,
omnes seiplos communicabant, hostiâ priùs
acceptâ à Sacerdote: cur ergo illam hostiam in
necessitate alteri non potuissent dare? Minime
video, quare non potuerint tali casu rationa-
bilem præsumere voluntatem Ecclesiæ, que
quoniam disponit circa usum Sacramentorum,
ut patet ex Tridentino lessi. 21. cap. 2. poterat
ipsi concedere illam licentiam.

Unde secundam partem Conclusionis do-
cet Diana parte 3. tract. 4. resol. 47. cum aliis,
quos citat, & sequitur Dicastillo disp. 11. n. 92.
tametsi sententia opposita sit magis commu-
nis, quam inter alios, quos refert Dicastillo
nu. 93. Propugnat Cardinalis Lugo disp. 18.
nu. 22. potissimum illam fundans in universa-
li Ecclesiæ consuetudine, qua hodie videtur
legitimè præscripta: cum enim non raro acci-
dat, præfertim in oppidis, in quibus est unus
Sacerdos, aliquos mori absque Viatice pro-
pter absentiam Parochi; tamen à multis
sæculis numquam audivimus, laicum Com-
munionem moribundo administrare; idque
quia omnes apprehendunt se graviter peccatu-
ros, si id attarentur.

Respondet Dicastillo suprà: Hec ratio so-
lum probat deesse aliquos doctos, qui sciant
opinionem hanc, & prudentes, qui in iis an-
gustiis, id vel advertant, vel disponant in iis
oppidis, aut pagis, ubi desunt Sacerdotes. Quod
si de eo genere consuetudinis agamus, etiam
Diaconus vix invenietur, qui in ea occasione
ministrer, præsentim cum id non sit omnibus
notum: & licet aliquis sciat hanc opinionem;
fortasse fecit etiam contrariam, & non vult se
intricare; sed permitit rem currere. Itaque
consuetudo me non multum moveret. Hec ille.
Breviter, non est consuetudo juris, sed potius
facti, orta sive ex insectia eorum, quos conser-
nit, sive propter contrariam opinionem, quæ
non sufficit ad inducendum jus.

Sed amabò, quis ista viâ non poterit omnes
consuetudines eludere, dicendo, homines fre-
quentantes aliquem actum esse ignaros, & ne-
scire ea, quæ ipsi licent?

Dices; eludantur, quid tuum? Certè diffi-
cillimum est ostendere aliquam legem, qua
instituta sit per solam consuetudinem, ed quod
vix contingat actus aliquos frequentari animo
inducendæ legis, quod tamen necessarium est.
Si quidem Princeps non vult subditos per con-
suetudinem obligare, nisi dependenter ab
ipsorum voluntatibus: idcirco enim vult im-
ponere obligationem; quia populus quasi po-
stulat, & vult, quod talis obligatio ipsi im-
ponatur. Si ergo populus per consuetudinem
id non intendat, nec Legislator intendit. Porro
Aaa homines

33.
& docet
Diana cum
aliis,

Dicastillo
Lugo.

multis op-
positum
sæculen-
tibus,

in confue-
tudine non
bene se fun-
dantibus,

34.
que potius
est facti,
quam justi,

Ecclesia
graviter
prohibuit
Clericis in-
ferioribus &
laicis con-
sumere fa-
cilius,

35.
non nega-
no moris
mitio,

In quo po-
telli laicus
sæpius vel
alium com-
municare,
negligit.

longius,

Disputatio 4. De Eucharistia.

370

homines, utpote naturâ suâ liberi semper querunt se ab obligationibus liberare, raro autem sibi ipsis onera, vel obligationes imponere.

His accedit raritas occurrentiae casus, quo moribundus iret ad Ecclesiam, & acciperet sibi ipsi Viaticum. Ergo saltem in illo casu consuetudo non prescripta.

Respondeo Eminentissimus n. 24. Licet casus rarus sit, aliquando tamen contingere potest, & reverâ contingit, quod, absente Sacerdote, aliquis vel perte infectus, vel in periculo mortis existens propter imminentis prælium, vel hostium incursionem &c. posset sibi Eucharistiam accipere ex Sacario; quod tamen in tot seculis numquam factum est.

Hinc ad exemplum Mariae Regina Scotiæ respondet n. 25. illud factum dicitur ex speciali Pontificis licentia. Secundò: in aliis circumstantiis fieri id poterat, & debebat ad vivitandum periculum irreverentia, cum timeri jure posset, Hæreticos post ejus mortem Eucharistiam inventant irreverenter tractatores, quo casu certum est posse laicum, & fæminam propriâ autoritate Eucharistiam sumere, urgente tunc præcepto naturali de vitanda ejus irreverentia.

Adde, inquit Cardinalis, etiamsi non habuisset expressam facultatem sumendi sibi Eucharistiæ, sed solùm retinendi eam apud se, adhuc in illo casu poterat faciliè præsumere voluntatem Pontificis, ut confumeret, ne scilicet remaneret Eucharistia apud ejus famulas, quæ facultatem non habebant eam apud se retinendi, qualem ipsa sola habebat; unde meritè præsumere poterat, Pontificem volitum potius ut confumeretur à martyre, quā apud fæminas remaneret. Huc usque Lugo.

Sed contra primum; Reginam habuisse dispensationem Pontificis, conjectura est sine fundamento.

Ad secundum dico; retinuisse Eucharistiam animo sumendi in articulo mortis; alias non debuisset secum assumere.

Si dixeris: fuit ipsius ignorantia. Respondeo non fecit sine confilio; adeoque sensus videtur esse, etiam maximè timoratorum, tam casum lege non comprehendendi.

Quod autem additur de præsumpta voluntate Pontificis, non possum negare; sed quæro tantum quare non possum, saltet probabiliter, præsumere similem voluntatem Pontificis, et si alioquin Sacramentum maneret in Sacario.

Dices; quia Ecclesia numquam dedit, vel minimam iudicium talis voluntatis, numquam factum approbavit, vel laudavit, numquam propensionem ostendit, quod facilè fieri potuisset; sicut de Communione absque jejunio, & de absolutione à quovis Sacerdote obtinenda in eo mortis articulo fecit.

Etsanè quis credit Episcopū non punitur

rum, sed laudaturum fæminam, quæ non invento Parochio ausa fuisset Sacramentum aperire, & Eucharistiam ad virum suum morientem defere? An Episcopus fæminam que in oīa populi Sacramentum amittat?

Respondeo, quis credit Episcopū puniatur, & non magis laudaturum hujusmodi fæminam, quæ practicasset quod sciente, & non contradicente Ecclesiâ in Scholis publicè docetur, & in libris imprimitur tamquam probabile? Ecce non minimum iudicium voluntatis Ecclesia, quæ sciens & potens contradicere, sinit imprimi, & publicè docet illam sententiam. Quid enim dicit Regula juris 43. de Reg. juris in 6. Qui tace (quando cōmōdē potest) contradicere) consenserit videtur.

Cur autem Ecclesia nupsiam exprelam concesserit facultatem, arbitror, quia casus minùs frequens est. Ceterùm quia sapiùs occurrat, quā necessest celebrandi sine vestibus sacris ad communicandum infirmum; & quoniam celebratio sine vestibus sacris magis indecens, & contra perpetuum ac universalem Ecclesiæ usum, hinc illicita erit hujusmodi celebrazione, et si alioquin non sit improbable, quod licet laico ex præsumpta voluntate Ecclesiæ, sibi, vel alteri in articulo mortis Viaticum administrare, deficiente Sacerdote & Diacono.

Interim Doct. Subtilis videtur fuisse in contraria opinione 4. dist. 13. q. 2. n. 20. ibi: Ad quantum dico quod Laurentius dispensavit Sanguinem Christi, ut patet in Legenda, quod bene est congruum; quia Sanguis non dispensatur nisi in calice, tamen autem calicis conceditur Diacono. Sed Corpus non dispensatur, nisi species panis tangatur: ideo sequitur auctoritas de dispensatione Corporis à Diacono (vide illam conclus. 3. in principio) videatur deficit. Ad quam dici potest, quod simpliciter in casu necessitatibus conceditur Diacono dispensare Corpus Christi, ut dicit auctoritas allegata. Sed non sequitur ex hoc quod possit confidere; quia minus est dispensare, quā confidere. Nullo autem modo Laico confidere, nec etiam dispensare convenient, secundum illad de Confess. dist. 2. Pervenit, ubi dicitur, quod quidam Presbyteri in tantum parvi-penduli divina mysteria, ut Laico Corpus Domini tradant ad deferendum infirmis. Et sequitur: Interdict Symabus ne talis temeraria præsumptio amplius fiat. Haec tenus Scotus.

Similiter loquitur in Reportatis eadem dist. & q. n. 4. ibi: Ad aliud dico, quod in diversis casibus potest Diaconus dispensare Corpus Christi & tangere, ut quando precipitur sibi ab Episcopo vel Presbytero, qui non possunt ad hoc accedere. Vel aliquo existente in periculo mortis absente Sacerdote; sed Laicus ex nulla necessitate potest tangere Corpus Christi in quocunque casu, id est, Laicus non potest dispensare Corpus Christi, vel quando precipitur sibi ab Episcopo aut Presbytero, qui non possunt ad hoc accedere: vel aliquo existente in periculo mortis absente Sacerdote.

Rogat autem aliquis, quam potestatem habent

Beant Religiosi Medicantes in hac materia? Respondeo breviter:

CONCLUSIO VI.

Religiosi Mendicantes possunt ministrare Eucharistiam omnibus & singulis Christi fideli bus, quocumque anni tempore, præterquam in Festo Paschatis Resurrectionis Dominicæ, & mortis articulo.

ITa Paulus III. Bullæ: *Licit debitum 8. apud Rodriguez ibi: Nec non omnibus & singulis Christi fideli bus tam solemnisbus, quam in civitatis & locis, in quibus Socii predici (Patres Societas Iesu) consistunt communoribus, aut illac transiuntibus, Eucharistie Sacramentum.... quocumque anni tempore, præterquam in Festo Paschatis Resurrectionis Dominicæ, & mortis articulo, nisi necessitas urget, et ceterorum fidelium Parochialium Ecclesiæ Rectorum licentia minimè requisita, ac cipere libere & licite valeant.*

& Paulus IV. Bullæ: *Cum sicut 3. apud eundem Autorem sic ait: Nos igitur.... mente nostram declarare volentes, quod de cetero tam dictorum, quam aliorum, quarumcumque Provinciarum, Civitatum & Diocesum per totum orbem, omnium utriusque sexus fidelium pro tempore dicti Ordini (Minorum) fratres à suis Superioribus, ut moris est, deputati Confessores, Confessiones etiam infirmorum ubilibus, etiam extra domos & habita culia certidem fratum audire, eosque à casibus & censuris, quibus eis per privilegia Sedi Apostolica huiusmodi haltem concessum est, posse absolvire, & ipsi hacen ab solvere consueverunt, absolvere & penitentiam salutarem iniungere, ac omni tempore præterquam in die Resurrectionis Dominicæ Sacra mentum Eucharistie, tam illis, quam aliis quibusvis personis, licite ministrare possint, Apostolica auctoritate seniore presentium indulgentia, ac decernimus & declaramus.*

Per hac autem & alia similia privilegia, que studio brevitatis omitto, abunde derogatum noscitur Clement. Religiosi de Privil. & excessi privilegiatorum (de qua superius egimus) cum Romanus Ponifex (qui iura omnia in fointo plororis sui censetur habere) Constitutionem condendo posteriorem, priorem, quamvis de ipsa mentionem non faciat, revocare noscatur. cap. 1. de Conf. in 6.

Si dixeris, ergo sine licentia Parochi Religiosi Mendicantes possunt ministrare Viaticum, cum in posteriori Bulla non excipiatur articulus mortis.

Respondeo Neg. Consequentiam; quippe ut habet Reg. Juris 8. de Reg. Juris in 6. In generali concesione non veniunt ea, que quis (propter specialem, quam habent difficulta-

tem) non esset verisimiliter in specie concessuris. Quod autem Communio in articulo mortis, seu Viaticum habeat specialem difficultatem, patet vel ex eo solo, quod Paulus III. can excepit.

Immo aliqui putant jam olim prohibitam esse Mendicantibus jure communi Clement. Dicunt de Sepulchris ibi: *Verum ne parochiales Ecclesias, & ipsarum Curas sive Recleros qui ministrae habent Ecclesiastica Sacra menta &c. Sed haec verba, meo judicio, nimis generalia videntur, ut ex ipsis possit probari specialis prohibitus ministrandi Communionem in articulo mortis.*

Alii respondent tempore Pauli IV. nullam suile controversionem inter Religiosos & Parochos de ministranda Communione in articulo mortis, sed solum de casibus ordinariis, & ideo Pontificem non exceperis hunc articulum, ut pote satis exceptum a Paulo III. suo predecessor, & ab omnibus ut talem admis sum.

Si rursus obijcas: Paulus IV. codem tenore verborum concedit administrationem Eucharistie, & Penitentia; atqui Penitentiam possunt Religiosi Mendicantes administrare in articulo mortis: ergo etiam Eucharistiam.

Respondeo rursus Neg. Consequentiam. Ratio disparitatis petenda est ex materia subiecta; nam Sacramentum Penitentia est magis necessarium, & quamdam habet difficultatem ex parte ministri; ac proinde oportuit privilegia majora & generaliora circa illud nomen concedere. Hinc cum satis certò constet spculares satisfacere præcepto annua Confessionis, dum constituent Religiosis privilegiatis, nihilominus communis sententia docet non satisfacere præcepto annua Communionis, dum apud ipsos communicant, ut statim latius declarabimus.

Adde exceptionem Pauli III. qui solum loquitur de Communione ministranda, minimè de Sacramento Penitentiae, ut proinde videatur esse justa ratio potius Communionem excipiendi à verbis generalibus Pauli IV. quam Sacramentum Penitentiae. Prefertim accidente communi sensu & praxi Ecclesie, quæ est optima interpres mentis Pontificis, quæ mens preferenda est cortici verborum, ubi de ea satis constat.

Alii difficultas & præcipua hujus Conclusionis est, quid Paulus III. & alii Pontifices intelligent per diem Paschatis, quem excipiunt in suis privilegiis.

Dôctores communiter intelligunt Festum illud non materialiter, sed formaliter pro tempore præcepti, ut sit idem, quod Communio Paschalis, id est, Communio, quæ satisficit præcepto annua Communionis.

Probatur; quia Pontifices per illam exceptionem voluerunt aliquem favorem conce

Probatu

A 22 dere